

卷十一至卷十四

七言律詩二百四十九首

梅村集  
上  
土



梅村集卷第十一

七言律詩

梅村

枳籬茅舍掩蒼苔  
乞竹分花手自栽  
不好請人食  
客過慣遲作  
蒼愛書來開  
牕聽雨  
攤詩卷  
獨樹看  
雲上  
嘯臺桑落酒  
香盧橋美釣船  
斜繫草堂開

王烟客招往西田同黃二攝六王太子彥及

家舅氏朱昭芭李爾公賓侯兄弟賞菊

九秋風物令公香

文肅嗜菊  
此其遺愛

三徑滋培處  
士莊花

梅村集十一  
七言律詩

似賜緋兼賜紫  
人曾衣白對衣黃  
未堪醉酒師彭  
澤欲借飧英  
問首陽轉眼東  
籬有何意  
莊嚴金色  
是空王

其二

不扶自直疎還密  
已折仍開瘦更妍  
最愛蕭齋臨  
素壁好因高燭耀  
華鈿坐來艷質同  
杯泛老去孤  
根僅瓦全  
薛者以  
瓦束土  
苦向鄰家怨  
移植寄人籬  
下受人憐

王太常西田雜興韻



一卧溪雲相見稀  
繫船枯柳叩斜扉  
橋通小市魚蝦賤  
水連孤邨烟火微  
到處琴書攜自近  
驟來賓客看人圍  
画將松雪花溪卷  
補入西田老衲衣

其二

積暑空庭鳥雀稀  
泉聲入竹冷巖扉  
芒鞋藤杖將迎少  
解舍魚莊生事微  
病酒客攜茶竈到  
罷棋人簇画圖圍  
日斜清簟追凉好  
移榻梧陰見解衣

其三

苦竹黃蘆宿火稀  
渡頭人歇望歸扉  
偶添小閣林

梅村集十一

七言律詩

巒秀漸見歸帆烟  
靄微荒圃草深鳧雁亂  
水亭橋沒芰荷圍  
夜凉捲幔深更話  
已御秋來白袷衣

其四

竹塢花潭過客稀  
灌畦纔罷掩松扉  
道人石上支頤久  
漁父磯頭欵乃微  
潮沒秋田孤鶩遠  
閣舍山雨斷  
虹圍亭臯木落黃州夢  
江海翩躚一羽衣

其五

亂後歸來桑柘稀  
牽船補屋就柴扉  
游魚目見江湖濶  
野雀何知身體微  
聽說詩書田父喜  
偶譚城

市醉人圍昨朝換去機頭布已見新縫短後衣

其六

勝情今日似君稀  
鷺立灘頭隱釣扉  
屋置茶寮圖陸羽  
軒開畫壁祀探微  
蕭齋散帙知耽癖  
高座談經早解圍  
手植松枝當塵尾  
雲林居士水田衣

其七

相逢道舊故交稀  
偶過鄰翁話掩扉  
陶氏先疇思士行  
謝家遺緒羨弘微  
城中賜第書千卷  
祠下豐碑柳十圍  
今日亂離牢落甚  
秋風禾黍淚沾衣

其八

梅村集十一

七言律詩

春曉臺前春思稀  
故園蘿薜繞山扉  
僮畊十畝桑麻熟  
僧住一龕鐘磬微  
題就詩篇纔滿壁  
種來松栝已成圍  
而今却向西田老  
換石栽花典敝衣

壽王子彥五十

二十登車侈壯游  
軟塵京雒紫驂驅  
九成宮體銀

鈞就

善歐體

萬卷樓居玉軸收

家有樓名萬卷

縱解携蒲非

漫戲卽看哺噉亦風流

善善嗽

筍輿芒屨春山路故舊

相逢總白頭

其二

舊業城西二頃田著書聞已續長編兩賢門第知  
應補十上才名祇自憐投老漫裁居士服畏人還  
趨孝廉船只因梅信歸來晚手植松枝暗記年

其三

懶將身世近浮名殘客繇來厭送迎獨處意非關  
水石逢人口不識杯鐺衣帽蘊藉多風貌硯几清  
嚴見性情子弟皆賢賓從好似君纔勿媿平生

其四

梅村集十一

七言律詩  
四

雖云文籍與儒林獨行居然擅古今五簋留賓高  
士約百金授客故人心尊彝布列圖書貴花木蕭  
疎池館深晚向鹿門思采藥漢濱漁父共浮沈

姜如須從越中寄詩次韻

漂泊江湖魯兩生亂離牢落暮雲平秦餘祀日刊  
黃縣越絕編年紀赤城南菊逢人懷故國西牕聽  
雨話陪京不堪兄弟頻回首落水蕭蕭非世情

言懷

苦留蹤跡住塵寰學道無成且閉關只爲魯連寧

蹈海誰云介子不焚山枯桐半死心還直斷石經  
移蘇白斑欲就君平問消息風波幾得釣船還

周五子傲讀書愛客白擲劇飲又善音律好  
方伎爲此詩以嘲之

大隱先生賦索居比來詩酒復何如馬融絳帳仍  
吹笛劉向黃金止讀書窮賴文章供飲博興因賓  
客賣田廬莫臨廣武額長嘆醉後疎狂病未除

同許九日顛伊人洞庭山館聽雨

曉閣登臨意渺然蘆花蕭瑟五湖天雲深古洞藏

梅村集十一

七言律詩  
五

書卷水落空山奏管絃魚市有租堪載酒橋官無  
俸且高眠莫愁一夜西牕雨笠澤烟波好放船

過甫里謁願公因遇雲門具和尚

晴湖百頃寺門橋梵唱魚龍影動搖三要宗風標

漢月

具公之師  
同論三玄三要

四明春雪送江潮

具公  
越人

高原落

水天邊斷獨夜寒鐘句裏銷布襪青鞋故山去扁

舟蘆荻冷蕭蕭

時應佛日  
講將行

代具師答贈

微言將絕在江南一杖穿雲過石龕早得此賢開

講席便圖作佛住精藍松枝豎義無人會貝葉翻  
經好共參塵尾執來三十載相逢誰似使君談  
室與友人譚遺事

曾侍驪山清道塵六師講武小平津雲旄大纛星  
辰動天策中權虎豹陳一自羽書飛紫塞長教鉦  
鼓恨黃巾孤臣流涕青門外徒使田橫客笑人

追悼

秋風蕭索響空幃酒醒更殘淚滿衣辛苦共嘗偏  
早去亂離知否得同歸君親有媿吾還在生死無

梅村集十一

七言律詩  
六

端事總非最是傷心看穉女一窓燈火照鳴機

謁范少伯祠

在金明寺中有陶  
朱公里四字碑

艤棹滄江學釣魚五湖何必計然書山川禹穴思  
文種烽火胥臺弔伍胥浪擲紅顏終是恨拜辭烏  
喙待何如却嗟愛子猶難免霸越平吳事總虛

題登封兩烈婦井梧遺恨詩

焦太僕孫婦  
楊氏牛氏

少室山頭二女峰斷猿哀雁暮雲重早題薛石留  
貞史却寫椒漿事禮宗恨血千年埋慘澹寒泉三  
尺照從容碧梧夜落秋堦冷環珮歸來聽曉鐘

鷺湖感舊

予曾過吳來之竹亭湖墅出家樂張飲後  
來之以事見法重游感賦此詩

落日晴湖放櫂迴故人曾此共登臺  
風流頓盡溪山改富貴何常簫管哀  
燕去坡堂荒蔓合雨侵鈴閣野棠開  
停橈却望烟深處記得當年載酒來

武林謁同門張石平

河南人官  
補儲觀察

湖山曉日鳴笳吹楊柳春風駐羽幢  
二室才名官萬石兩河財賦導三江  
舊游笑我連珠勒多難逢

梅村集十一

七言律詩

君倒玉釭十載弟兄無限意夜深聽雨話西牕

登數峰閣禮浙中死事六君子

鴻寶倪公荅  
柯凌公東軒

周公四名施公磊  
齊吳公賓曰陳公

四山風急萬松秋遺廟西冷枕碧流  
故國衣冠懷舊友孤忠日月表層樓  
赤虹劍血埋燕市白馬銀濤走越州  
盛事若修陪祀典漢家園寢在昭丘

陳青雷以半圃索題走筆戲贈

半間茅屋半牀書半賦閑游半索居  
領略溪山應不盡平分風月復何如  
點癡互有纜忘世廉讓中

間好結廬自是圖全非易事與君隨意狎樵漁

題西泠閨詠

并序

石城卞君者系出田居隱偕蠶室巖子著  
同聲之賦玄文詠嬌女之篇辭旨幽閑才  
情明慧寫柔思於却扇選麗句以當窓足  
使蘇蕙扶輪左芬失步矣故里秦淮早駕  
木蘭之機橋居明聖重來油壁之車風景  
依然湖山非故趙明誠金石之錄卷軸亡  
存蔡中郎鑿曰之詞紙筆猶在予覽其篇

梅村集十一

七言律詩

什擷彼風華體寄七言詩成四律愧非劉  
柳聞白雪之歌謬學徐陵敘玉臺之咏云  
爾

落日輕風雁影斜蜀牋書字報秦嘉絳紗弟子稱  
都講碧玉才人本內家神女新詞填杜若如來半  
偈繡蓮花糝成小閣熏香坐不向城南鬪鈿車

其二

晴樓初日照芙蓉姑射仙人賦子虛紫府高閑詩  
博士青山遺逸女尚書賣珠補屋花應滿刻燭成

篇錦不如自寫雒神題小像一簾秋水鏡湖居

其三

五銖衣怯鳳皇雛珠玉爲心冰雪膚綠麝侍兒春  
被襖紅牙小妹夜携筠瓊牕日暖櫻桃賦粉箋風  
輕蛺蝶圖頻斂翠蛾人不識自將書札問麻姑

其四

石城楊柳碧城鸞謝女詩篇張女彈鸚鵡歌調銀  
管細琅玕字刻玉釵寒雙聲宛轉連珠格八體濃  
纖倒薤看開整筆牀攤素卷棠梨花發倚闌干

梅村集十一

七言律詩

海市四首

次張石平  
觀察韻

仙人太乙祀東萊不信蓬瀛此地開虹跨斷崖通  
羽蓋魚吞倒影出樓臺碧城烟合青蔥樹赤岸霞  
蒸絳雪堆聞道秦皇近南幸舳艫千里射蛟回

其二

灩氣空濛萬象來非烟非霧化人裁仙家困爲休  
糧閉河伯宮因娶婦開金馬衣冠蒼水使石鯨風  
雨濯龍臺鑿空博望頻回首天漢乘槎未易才

其三

東南天地望中收神鬼蒼茫百尺樓秦時長松移  
絕島梁園脩竹隱滄洲雲如車蓋旌旗繞峰近香  
爐烟靄浮却笑燕齊迂怪士祇知碣石有丹丘

其四

激浪崩雲壓五湖天風吹斷海城孤千門聽擊馮  
夷鼓六博看投玉女壺蒲類草荒春徙帳滄溟月  
冷夜探珠誰知曼衍魚龍戲翠蓋金支滿具區

別丁飛濤兄弟

把君詩卷過扁舟置酒離亭感舊游三陸雲間空

梅村集

十一  
七言律詩

想像二丁鄴下自風流灑山意氣歸詞苑兄弟文  
章入選樓爲道故人相送遠藕花蕭瑟野塘秋

贈馮子淵總戎

令公專閫擁旌旄鵬鶚秋風賜錦袍十二銀箏歌  
芍藥三千練甲醉葡萄若耶溪劍凝寒水秦望樓  
船壓怒濤自是相門雙戟重野王父子行能高

丁亥之秋王烟客招予西田賞菊踰月蒼雪  
師亦至今年予旣時病同游者多以事阻追

叙舊約爲之慨然因賦此詩

露白霜高九月天  
匡牀臥疾憶西田  
黃雞紫蟹堪  
攜酒紅樹青山好  
放船秔稻將登農  
父喜茱萸徧  
插故人憐舊游  
多病難重省  
記別蒼公又二年

友人齋說餅

舍北溪南樹影斜  
主人留客醉黃花  
水漉非用淘  
槐葉蜜餌寧關煮  
蕨芽閣老膏環常  
對酒徵君寒  
具好烹茶食經二事  
皆堪註休說公羊  
賣餅家

贈李峩居御史

督學  
江南

中條山色絳帷開  
宛雒春風桃李栽  
地近石經緣

梅村集十一

七言律詩  
十一

虎觀家傳漆簡本  
蘭臺花飛驛路生  
徒滿潮落江城  
鐘磬來置酒一帆  
黃浦月登臨  
早訪陸機才

穆大苑先卧病桐廬初歸喜贈

富春山下趁歸風  
客病孤舟夜雨中  
千里故園惟  
舊友十年同學半  
衰翁藥爐媿我形  
容稿腹尺輪  
君飲噉工却向清  
秋共消損一尊無  
恙笑顏紅

壽陸孟鳧七十

楓葉蘆花霜滿林  
江湖蕭瑟鬢毛侵  
書生藤峽功  
名薄漁父桃源歲  
月深入市蹇驢晨  
賣藥閉門殘

酒夜橫琴舊游烽火天涯夢銅鼓山高急暮砧  
陸  
潯州司李藤峽在潯  
州嘗熟有桃源澗

其二

講授山泉遶戶庭  
芋翁無事爲中冷  
偶支鶴俸分魚俸  
閒點茶經補水經  
千里程鄉浮大白  
一官勾漏養空青  
歸來松菊荒涼甚  
買得雙峰縛草亭

壽申少司農青門六十

相門三戟勝通侯  
兄弟衣冠盡貴游  
白下高名推謝眺  
黃初耆德重楊彪  
千山極目風塵暗  
一老狂

梅村集十

七言律詩  
十一

歌天地秋還憶淮淝  
開制府江聲吹角古揚州

其二

脫却朝衫上釣船  
餘生投老白雲邊  
買山向乞分司俸  
餉客還存博士錢  
世事烟霞娛晚歲  
黨人名字付殘編  
扁舟百斛烏程酒  
散髮江湖任醉眠

宴孫孝若山樓賦贈

千章喬木俯晴川  
高閣登臨雨後天  
明月笙歌紅燭院  
春山書畫綠楊船  
邠超好客真名士  
蘇晉翻經正少年  
最是風流揮玉麈  
烟霞勝處着神仙

琴河感舊

并序

楓林霜信放棹琴河忽聞秦淮卞生蹇蹇  
到自白下適逢紅葉余因客座偶話舊游  
主人命犢車以迎來持羽觴而待至停驂  
初報傳語更衣已託病店遷延不出知其  
憔悴自傷亦將委身於人矣予本恨人傷  
心往事江頭燕子舊壘都非山上藤蕪故  
人安在久絕鉛華之夢况當搖落之辰相  
遇則唯看楊柳我亦何堪爲別已屢見櫻  
桃君還未嫁聽琵琶而不響隔團扇以猶  
憐能無杜秋之感江州之泣也漫賦四章  
以誌其事

梅村集十一

七言律詩

白門楊柳好藏鴉誰道扁舟蕩槩斜金屋雲深吾  
谷樹玉杯春暖尚湖花見來學避低團扇近處疑  
噴響鈿車却悔石城吹笛夜青聽容易別盧家

其二

油壁迎來是舊游尊前不出背花愁綠知薄倖逢  
應恨恰便多情喚却羞故向閑人偷玉筍浪傳好

語到銀鉤五陵年少催歸去隔斷紅墻十二樓

其三

休將消息恨層城猶有羅敷未嫁情  
車過捲簾勞  
悵望夢來攜袖費逢迎  
青山憔悴卿憐我  
紅粉飄零我憶卿  
記得橫塘秋夜好  
玉釵恩重是前生

其四

長向東風問西蘭  
玉人微嘆倚闌干  
乍拋錦瑟描  
難就小疊瓊牋墨  
未乾弱葉懶舒添  
乍倦嫩芽嬌  
染怯春寒書成粉箋憑誰寄  
多恐蕭郎不忍看

梅村集十一

七言律詩十四

辛卯元旦試筆

除夕再夢杏花

十年車馬盛長安  
仙仗傳籌曙色寒  
禁苑名花開  
萬樹上林奇  
果賜千官春  
風紫燕低飛入  
曉日青  
驄緩轡看舊事  
已非還入夢  
回圖金粉碧闌干

雜感

聞說朝廷罷上都  
中原民困尚難蘇  
雪深六月天  
圍塞雨漲千村地  
入湖瀚海波濤飛  
戰艦禁城宮  
闕起浮圖  
關山到處愁  
征調願賜三軍所  
過租

其二

簫鼓中流進奉船。司空停索導行錢。八蠶名繭盤  
花就千緝奇文舞。鳳旋袴褶射雕砂。積塞筐箱市  
馬玉門邊。秋風砧杵催刀尺。江左無衣已七年。

其三

居庸千尺薊門低。八部雲屯散馬蹄。日表土中通  
極北。河源天上接安西。金城將吏耕黃犢。玉壘山  
川祭碧雞。世會適逢須粉飾。十年辛苦厭征鼙。

其四

急峽天風捲怒濤。穿雲棧石度秋毫。雞豚絕壁人

梅村集十一

七言律詩  
十五

烟少珠玉空江鬼。哭高縱火千村驅。草木齋糧百  
日棄。弓刀綿州却報傳。烽紫峒戶溪丁轉戰勞。

其五

武安席上見雙鬟。血淚青娥陷賊還。只爲君親來  
故國。不因女子下雄關。取兵遼海哥舒翰。得婦江  
南謝阿蠻。快馬健兒無限恨。天教紅粉定燕山。

其六

萬里從王擁節旄。通侯青史姓名高。禁垣遺直看  
封事。絕徼孤忠誓佩刀。元祐黨碑藏北寺。辟疆山

聖記東臯歸來畀石堂前夢書画平生結聚勞

題王端士北歸草

讀罷新詩萬感興夜深挑盡草堂燈玉河嗚咽聞  
嘶馬金殿淒涼見按鷹南內舊人逢庾信北朝文  
士識崔陵寒驢風雪蘆溝道一慟昭陵恨未能

贈糧儲道步公

乾州人

臨湘家世擁旌旄策馬西來劍珮高華嶽風雲開  
間氣乾陵草木壯神臯山公盡職封章切蕭相憂  
時饋運勞青史通侯餘事在江南重見舊人豪

梅村集十一

七言律詩  
十六

湖海宋司勳孤武求思西來慷慨高華嶽風雲開

韻林詩選卷八

遊人

士端崑對寒飄風雲蘆溝道一慟昭陵外水滄

漉思金殿淒涼見按鷹南內舊人逢庾信北朝文

士識崔陵寒驢風雪蘆溝道一慟昭陵恨未能

題王端士北歸草

聖記東臯歸來畀石堂前夢書画平生結聚勞

梅村集卷第十二

七言律詩二

題鴛湖閨詠

石州螺黛點新粧，小拂烏絲字幾行。  
粉本留香泥蛺蝶，錦囊添線繡鴛鴦。  
秋風擣素描長卷，春日鳴箏製短章。  
江夏只今標藝苑，無雙才子掃眉娘。

其二

休言金屋貯神仙，獨掩羅裙淚泫然。  
粟里縱無歸隱計，鹿門猶有賣文錢。  
女兒浦口堪同住，新婦磯

梅村集十二

七言律詩

頭擬種田夫，婿長揚須執戟，不知世有杜樊川。

其三

絳雲樓閣敞空虛，女伴相依共索居。  
學士每傳青鳥使，蕭娘同步紫鸞車。  
新詞折柳還應就，舊事焚魚總不如。  
向馬融譚漢史，江南淪落老尚書。

其四

誰吟紈扇繼詞壇，白下相逢吳綵鸞。  
才比左芬年更少，婿求韓重遇應難。  
玉顏屢見鶯花度，翠袖須愁烟雨寒。  
往事只看予薄命，致書知已到長干。

補禊

壬辰上巳蔣亭彥篆鴻陸我謀於鴛湖禊  
飲余後三日始至同集有道開師朱子咨  
沈孟陽徵詩以補禊事余分得知字

春風好景定昆池散誕天涯却誤期  
溱洧漫攀芳杜晚雒濱須泛羽觴遲  
右軍此會仍堪記白傅重游共阿誰  
故事禊堂看賜柳年來無復侍臣知

過朱買臣墓

在嘉興東塔雷音閣後仰廣福講院

翁子窮經自不貧會稽連守拜爲真是非難免三

梅村集十一

七言律詩

長史富貴徒誇一婦人小吏張湯看踞傲故交莊  
助嘆沉淪行年五十功名晚何似空山長負薪

題朱子葵鶴洲草堂

別業堂成綠野邊養雛丹頂已千年仙人收箭雲  
歸浦道士開籠月滿天竹下縞衣三徑石雪中清  
嘖五湖田裴公舊宅松陰在不數孤山夜放船

題孫銘常畫蘭

誰將尺幅寫瀟湘窮谷無人吹氣香斜筆點莘依  
蘼石雙鉤分葉傍篋謝家樹好臨芳砌鄭女花

堪照洞房我欲援琴歌九畹江潭搖落起微霜  
又寄送林衡者歸閩

五月關山樹影圓送君吹笛柳陰船征途鷓鴣愁  
中雨故國桄榔夢裏天夾漈草荒書滿屋連江人  
去雁飛田無諸臺上休南望海色秋風又一年

送文學博以蒼公招同住中峰寺

二公皆雲南人

西風驅雁暮雲衰頽白衝寒到講臺莫問關關應  
路斷偶傳消息又兵來一峰對月茅菴在二老論  
心石壁開陳取梅花枝上信明年移向故園栽

海村集

十二

七言律詩

鄧元昭奉使江右相遇吳門却贈

五湖春草隱征笳兩觴圖書泊晚沙人謂相如初  
奉使客傳高密且還家黑貂對雪潯陽樹綠酒看  
山茂苑花回首石渠應賜馬玉河從獵雁行斜

雪夜苑先齋中飲博達旦

扶杖衝泥逐少年解衣箕踞酒爐邊愁燒絳蠟消  
千卷愛把青樽擲萬錢痛飲不甘辭久病狂呼却  
笑勝高眠丈夫失意須潦倒劇孟平生絕可憐

相逢縱博且開顏興極歡呼不肯還別緒幾年當  
此夜狂名明日滿人間松廳燭影花前酒草閣雞  
聲雪裏山殘臆豈妨吾作樂儘教遊戲一生閑

癸巳春日禊飲社集虎丘卽事

楊柳絲絲逼禁烟筆牀書卷五湖船青溪勝集仍  
遺老自裕高談盡少年筍屐鸞花看士女羽觴冠  
蓋會神仙茂先往事風流在重過蘭亭意惘然

其二

蘭臺家世本貽謀高會南皮語昔游執友淪亡驚

梅村集十二

七言律詩

歲月諸郎才調擅風流十年故國傷青史四海新  
知笑白頭脩禊只今添俯仰北風杯酒酌營丘

其三

訪友扁舟挂席輕梨花吹雨五茸城文章興廢關  
時代兄弟飄零爲甲兵茂苑聽鶯春社飲華亭聞  
鶴故園情衆中誰識陳驚座顧陸相看是老成

其四

絳帷當日重長楊都講還開舊草堂少弟詩篇標  
赤幟故人才筆繼青箱抽毫共集梁園製布席爭

飛曲水觴近得廬陵書信否寄懷子美在滄浪

投贈督府馬公

伏波家世本專征  
函角油幢細柳營  
上相始興開北府  
通侯高密鎮西京  
江山傳箭旌旗色  
賓客圍棋劔履聲  
勞苦潯陽新駐節  
舳艫今喜下湓城

其二

十年重到石城頭  
細雨孤帆載客愁  
累檄久應趨幕府  
扁舟今始識君侯  
青山舊業安常稅  
白髮衰親畏遠游  
慚媿推賢肅相國  
郤平只合守瓜丘

梅村集十二  
七言律詩

五

自嘆

誤盡平生是一官  
棄家容易變名難  
松筠敢厭風霜苦  
魚鳥猶思天地寬  
鼓枻有心逃甫里  
推車何事出長干  
旁人休笑陶弘景  
神武當年早掛冠

登上方橋有感

橋時新修極雄壯望見天壇崩圯盡矣

石梁天際偃長壕  
勢壓魚龍敢遁逃  
壯麗氣開浮廣術  
虛無根削插崩濤  
秋騰萬馬鞭梢整  
日出千軍輓餉勞  
回首泰壇鐘磬遠  
江流空繞斷垣高

鍾山

王氣消沉石子岡放鷹調馬蔣陵殉金棺移塔思

原廟

金棺爲誌公  
在雞鳴寺

玉匣藏衣記奉常

太常有  
高廟衣冠

楊

柳重栽馳道改櫻桃莫薦寢園荒

時當  
四月

聖公沒後

無坏土姑孰江聲空夕陽

### 臺城

形勝當年百戰收子孫容易失神州金川事去家  
還在玉樹歌殘恨未休徐鄧功勳誰甲第方黃骸  
骨總荒丘可憐一片秦淮月曾炤降幡出石頭

### 國學

梅村集十二

七言律詩  
六

松柏曾垂講院陰後湖烟雨記登臨桓榮空有窮  
經志伏挺徒增感遇心四庫圖書勞訪問六堂絃  
管聽銷沉白頭博士重來到極目蕭條淚滿襟

### 觀象臺

候日觀雲倚碧空一朝零落黍離同昔聞石鼓移  
天上

元移石鼓  
于大都

今見銅壺沒地中黃道只看標北

極赤烏還復紀東風郭公枉自師周髀千尺荒臺

等廢宮

渾儀郭守  
敬所造

### 雞鳴寺

雞鳴寺接講臺基扶杖重游涕淚垂學舍有人鋤  
野菜僧寮無主長棠梨雷何舊席今安在支許同  
叅更阿誰惟有誌公留布帽 高皇遺筆讀殘碑

寺壁有石刻 高廟  
御筆題贊誌公像

### 功臣廟

画壁精靈間氣豪鄂公羽箭衛公刀丹青賜額豐  
碑壯祭戟傳家甲第高鹿走三山爭楚漢雞鳴十  
廟失蕭曹英雄轉戰當年事采石悲風起怒濤

### 玄武湖

梅村集十二 七言律詩

覆舟西望接陂陀千頃澄潭長綠莎六代樓船供  
士女百年版籍重山河 湖置黃册庫  
禁人游玩 平川豈習昆

明戰禁地須通太液波烟水不關興廢感夕陽聞

已唱漁歌

時已有漁舟非  
復昔日之禁矣

### 秣陵口號

車馬垂楊十字街河橋燈火舊秦淮放衙非復通

侯第

中山賜宅  
改作公署

廢圃誰知博士齋易餅市傍王殿

瓦換魚江上

孝陵柴無端射取原頭鹿收得長

長生苑內牌

無題

繫艇垂楊映綠潯玉人湘管画簾深千絲碧藕玲瓏腕一卷芭蕉展轉心題罷紅牕歌緩緩聽來青鳥信沉沉天邊恰有黃姑恨吹入蕭郎此夜吟

其二

到處鶯花画舫輕相逢只作看山行鏡因視近螺頻換書爲香多蠹不成媿我白頭無冶習讓君紅粉有詩名飛瓊漫道人間識一夜天風返碧城

其三

梅村集十二

七言律詩  
八

錯認微之共牧之誤他舉舉與師師疎狂詩酒隨同伴細膩風光異舊時画裏綠楊堪贈別曲中紅豆是相思年華老大心情減辜負蕭娘數首詩

其四

鈿雀金蟬籠臂紗鬧粧初不鬪鉛華藏鉤酒向劉郎賭刻燭詩從謝女誇天上異香須有種春來飛絮恨無家東風燕子知多少珍重雕闌白玉花

百草堂觀劇

肯將游俠誤躬畀愛客村居不入城亭占綠疇朝

置酒船移紅燭夜鳴箏金釵研鮪霜螯美玉粒呼  
鷹雪爪輕主人好獵却話少年逢社飲季心然諾是平  
生

送李秀州擢寧紹道

楊柳春風起郡樓故人嚴助昔同游烟霞到處推  
仙吏檠戟今看冠列侯長水圖書移遠棹大雷旂  
鼓對清秋閱兵海上應西望秦駐山高卽秀州

周櫟園有墨癖嘗蓄墨萬種歲除以酒澆之  
作祭墨詩友人王紫崖語其事漫賦二律

梅村集十二七言律詩  
九

含香詞賦擲金聲家住玄都對管城萬笏雅應推  
正直一囊聊復貯縱橫雖黯澹終能守用任歆  
斜自不平磨耗年光心力短只因耽誤褚先生

其二

山齋清玩富琳琅似璧如圭萬墨莊口啜飲同高  
士癖頭濡書類酒人狂但逢知己隨濃澹若論交  
情耐久長不用黃金費裝裹伴他銅雀近周郎

贈陽羨陳定生

溪山疊画好歸畊櫻笋琴書足性情茶有一經真

處士橋無千絹舊清卿

故御史大夫子

知交東冶傳鉤黨

子弟南皮負盛名却話宋中登望遠天涯風雨得

侯生

定生借侯朝宗在南中幾及鉤黨禍侯生歸德人

### 江樓別幼弟孚令

野色滄江思不窮登臨傑閣倚虛空雲山兩岸傷  
心裏雨雪孤城淚眼中病後生涯同落水亂來身  
計逐飄蓬天涯兄弟分攜苦明日扁舟聽曉風

### 揚州

鼙鼓鳴笳發棹謳榜人高唱廣陵秋官河楊柳誰

### 梅村集十二

七言律詩

新種御苑鶯花豈舊游十載西風空白骨甘橋明  
月自朱樓南朝枉作迎鑾鎮難博雷塘土一丘

### 其二

野哭江村百感生鬪雞臺憶漢家營將軍甲第橐  
弓臥丞相中原拜表行白面談邊多入幕赤眉求  
印却翻城當時只有黃公覆西上徧隨阮步兵

### 其三

盡領通侯位上卿三分淮蔡各專征東來處仲無  
他志北去深源有盛名江左衣冠先解體京西豪

傑竟授兵只今八月觀濤處浪打新塘戰鼓聲

其四

撥盡琵琶馬上絃玉鉤斜畔泣嬋娟紫駝人去瓊  
花院青塚魂歸錦纜船荳蔻梢頭春十二茱萸灣  
口路三千隋堤壁月珠簾夢小杜曾游記昔年

過維揚弔衛少司馬紫岫

衛韓城人與余同年同官後以少司

馬死揚

州難

西省連床止論文天涯書劍忽離羣非關衛瓘需

開府欲下高昂在護軍

高杰秦人朝議以紫岫同鄉拜兵部侍郎典其軍事

梅村集十二

七言律詩十一

葬骨九原江上月思家百口隴頭雲故人搖落刊  
溝暮爲酌椒漿一慟君

過淮陰有感

落木淮南雁影高孤城殘日亂蓬蒿天邊故舊愁  
聞笛市上兒童笑帶刀世事真成反招隱吾徒何  
處續離騷昔人一飯猶思報廿載恩深感二毛

其二

登高悵望八公山琪樹丹崖未可攀莫想陰符遇  
黃石好將鴻寶駐朱顏浮生所欠止一死塵世無

繇識九還我本淮王舊雞犬不隨仙去落入間

贈淮撫沈公清遠

秋風杖節賜金貂高會嚴更響麗譙去國丁年遼  
海月還家甲第浙江潮書生禮樂修玄雁諸將弓  
刀掣皂鷗最是東南資轉餉功成蕭相未央朝

淮上贈嵇叔子

湖海相逢一俊英風流中散舊家聲琴因調古須  
防怨詩爲才多莫近名濁酒如淮歌慷慨蒼髯似  
戟論縱橫慚余亦與山公札抱病推遷累養生

梅村集十二

七言律詩

過宿遷極樂菴明日晤陸紫霞年兄話舊有感

同時知已曲江游縱酒高歌玉腕駟黃葉渾隨諸  
子散白頭猶幸故人留雲堂下榻逢僧飯雪夜聽  
鐘待客舟如此衝寒緣底事相逢無計訴離愁

白鹿湖陸墩詩

在宿遷縣東爲紫霞年兄避兵處

招提東望柳堤深雁浦魚莊買棹尋墩似謝公堪  
賭墅湖如賀監早抽簪雲遮老屋容君卧月落空  
潭照此心百頃荷花千尺水夜涼兄弟好披襟

自信

自信平生懶是真底須辛苦踏春塵每逢墟落愁  
戎馬却聽風濤話鬼神濁酒一杯今夜醉好花明  
日故園春長安冠蓋知多少頭白江湖放散人

新河夜泊

百尺荒岡十里津夜寒微雨溼荆榛非關城郭炊  
烟少自是河山戰鼓頻倦客似歸因望樹遠天如  
夢不逢人扁舟蕭瑟知無計獨倚篷牕暗愴神

將至京師寄當事諸老

梅村集十二

七言律詩  
十二

柴門秋色草蕭蕭幕府驚傳折簡招敢向烟霞堅  
笑傲却貪畊鑿久逍遙楊彪病後稱遺老周黨歸  
來話 聖朝自是 鹽書脩盛舉此身只合伴漁

樵

其二

莫嗟野老倦沉淪領略青山未是貧一自弓旌來  
退谷苦將行李累衰親田因買馬頻書券屋爲牽  
船少結鄰今日巢由車下拜淒涼詩卷乞閒身

其三

匹馬天街對落暉蕭條白髮悵誰依北門待詔賓  
朋盛東觀趨朝故舊稀雪滿關河書未到月斜  
宮闕雁還飛赤松本是留侯志早放商山四老歸

其四

平生蹤跡儘繇天世事浮名總棄捐不召豈能逃  
聖代無官敢卽傲高眠匹夫志在何難奪君相  
恩深自見憐記送鐵崖詩句好白衣宜至白衣還  
讀友人舊題走馬詩于郵壁漫次其韻

數卷殘編兩石弓書生搖筆壯懷空南朝子弟誇

梅村集十二

七言律詩  
十四

諸將北固軍營畏阿童江上化龍圖割據國中指  
鹿詫成功可憐曹霸丹青手銜策無人付朔風

其二

君是黃驄最少年驍騫凋喪使人憐當時只望勳  
名貴後日誰知書畫傳十載鹽車悲道路一朝天  
馬蹴風烟軍書已報韓擒虎夜半新林早着鞭

過鄭州

馬滑霜蹄路又長鴉鳴殘雪古城荒河水雨入車  
難過野岸沙崩樹半僵那邵文章埋斷碣公孫樓

梅村集卷第十三

七言律詩三

恭紀

聖駕幸南海子遇雪大獵

君王羽獵近長安龍雀刀鏢七寶鞍立馬山川千

騎擁賜錢父老萬人看

賑

霜林白鹿開金彈春酒

黃羊進玉盤不向回中逢大雪無因知道外邊寒

聞撤織造志喜

春日柔桑七女歌東南杼軸待如何千金織綺花

梅村集十三

七言律詩

成市萬歲迴文月滿梭恩詔只今憐赤子貢船從

此罷黃河尚方玉帛年來盛早見西川濯錦多

上駐驂南苑閱武行蒐禮召廷臣恭視賜宴行宮

賦五七言律詩五七言絕句每體一首應

制

露臺吹角九天聞射獵黃山散馬群練甲曉懸千

鏡日翠旗晴轉一鞭雲奇鷹出架雕弓動新兔登

盤玉饌分最是小臣慚獻賦屬車叨奉羽林軍

送無錫堵伊令之官歷城

攬轡朱輪起壯圖遺民喜得管夷吾城荒戶少三  
男子名重人看五大夫画就烟雲連秦岱詩成書  
札滿江湖茶經水傳平生事第二泉如釣突無

元夕

諸王花萼奉宸游清路千門照夜驅長信玉杯簪  
戴勝昭陽銀燭壁篋篋傳柑曲裏啼鶯到爆竹光  
中戰馬收却憶征南人望月金閨燈火別離愁

讀魏石生懷古詩

長安雪後客心孤画省論文折簡呼家近叢臺推

梅村集十三

七言律詩

意氣山開全趙見平蕪憂時危論書千卷懷古高  
歌酒百壺自是漢廷真諫議蕭王陌上賦東都

送永城吳令之任

春風驛樹早聞鶯馬過梁園候吏迎山縣尹來三  
月雨人家兵後十年畊鴉啼粉堞河依岸草沒旗  
亭路入城曾見官軍收賊壘時清今已重儒生

送安慶朱司李之任

到官春水画橈輕天柱峰高卽郡城百里殘黎半  
商賈十年同榜盡公卿雞豚塲壁山中稅鼓角旣

檣江上兵亂後莫言無吏治此方朱邑最知名

送彥遠南還河渚

匹馬春風返故林松杉書屋晝陰陰猿愁客倦晨  
投果鶴喜人歸夜聽琴我有田廬難共隱君今朋  
友獨何心還家早便更名姓只恐青山尚未深

江上

鐵馬新林戰鼓休十年軍府笑諮謀但虞莊躡爭  
南郡不信孫恩到蔡州江過濡須誰築壘潮通滬  
瀆在今上海總安流蘆花一夜西風起兩點金焦萬里

梅村集十三

七言律詩  
三

愁

送顧舊來典試東粵

客路梅花嶺外飄江山才調屬車招石成文字兵  
須定珠出風雷瘴自消使者千旌開五管諸生禮  
樂化三苗憑君寄語征南將誰勒炎天銅柱標

送李書雲蔡閱培典試西川

柳陌征衫錦帶鉤詔書西去馬卿游棧縈秦嶺  
千盤細水落巴江萬里流兵火才人羈旅合山川  
奇字亂離搜莫愁沃野猶難問取得揚雄勝益州

送山東耿中丞青藜

三經持節領諸侯好時家風指顧收岱頂磨崖看  
出日海邊吹角對清秋幕中壯士爭超距稷下高  
賢共唱酬北道主人東郡守丹青剖策本營丘  
送友人之淮安管餉

高牙鼓角雁飛天估舶千帆落照懸使者自徵滄  
海粟將軍帆費水衡錢中原河患魚龍窟江左官  
租稷稻年聞道故鄉烽火急淮南幾日下樓船  
送隴右道吳贊皇之任

梅村集十三

七言律詩  
四

笳鼓千人度隴頭使君斜控紫驂騮城高赤坂魚  
鹽塞日落黃河鳥鼠秋移檄北庭收屬國闕兵西  
海取封侯請傾百斛葡萄酒玉笛關山緩帶游

恭遇

聖節次安丘劉相國韻

興慶樓前捧玉觴金張岐薛儼分行龍生大漠雲  
方起河山崑崙日正長節過放燈開禁苑春將射  
柳幸平陽燕公上壽天顏喜親定甘泉賜宴章

朝日壇

次韻

曉日曛曛萬象鋪六龍銜燭下平蕪石壇燿火燔  
玄牡露掌華漿飲渴鳥不夜城傳宣夜漏王宮朝  
奉竹宮符卽今東汜西崐處盡入銅壺倒景殊

李退菴侍御奉使湖南從兵間探衡山洞壑  
諸勝歸省還吳詩以送之

一官之楚復游燕歸去還乘笠澤船戎馬千山尋  
洞壑鶯花三月美神仙路穿江底聞雞犬家在湖  
中接水天

侍御吾吳  
洞庭人

不似少陵長作客祝融峰下

往年年

梅村集十三

七言律詩  
五

得蒲州道嚴方公信却寄

西風對酒夢魂勞聞道蒲津着錦袍山遶塞垣長  
坂峻河分天地斷崖高登樓楚客看雲樹隔岸秦  
人拜節旄回首舊游飛雁遠書來嚴助問枚臯

送趙友沂下第南歸

秋風匹馬試登臨此日能無感慨心趙氏只應完  
白壁燕臺今已重黃金鄉關兵火傷王粲京國才  
名識杜欽最是淮南遇搖落相思千里暮雲深

懷王奉常烟客

把君詩卷問南鴻，憔悴看成六十翁。  
老去祇應添鬢雪，愁來那得愈頭風。  
田園蕪沒支筇懶，書畫蕭條隱几空。  
猶喜梅花開遶屋，臘醅初熟草堂中。

送友人從軍閩中

客中書劍愴離羣，貰酒新豐一送君。  
絕嶠烽烟看草檄，高齋風雨記論文。  
中宵清角猿啼月，百道飛泉馬入雲。  
詔諭諸侯同伐越，可知勞苦有終軍。

其二

平生不識李輕車，被詔揮鞭白鼻騮。  
簫鼓濟江

柳村集十三

七言律詩六

催落木旌旗衝雪冷，梅花胡床對客招。  
虞寄羽扇麾軍逐，呂嘉自是風流新。  
制府王孫何事苦思家。

紀事

鄂杜山南起直廬，從禽載筆有相如。  
秋風講武臨熊館，乙夜橫經勝石渠。  
七萃車徒堪討習，百家圖史可佃漁。  
上林獸簿何曾問，叩馬無煩諫獵書。

送汪均萬南歸

扁舟春草五湖寬，歸去除醪架未殘。  
撥刺錦鱗初上筯，團枝珠寶已堆盤。  
瘦瓢量水僧燒筍，拳石分

泥客買蘭四月山塘風景好知君端不憶長安

壽座師李太虛先生

放懷天地總浮鷗客裏風光爛熳收一斗濁醪還  
太白二分明月屬揚州錦箏士女觴飛夜鐵笛關  
山劍舞秋猶有壯心消未得欲從何處訪丹丘

其二

好客從無二頃田勝游隨地記平泉解衣白日消  
碁局岸幘青山入釣船故國風塵驚晚歲天涯歌  
舞惜流年篋中別有龍沙記不許傍人喚謫仙

梅村集十三

七言律詩  
七

其三

讀易看山愛息機閉門芳草雁還飛江湖有夢爭  
南幸滄海無家記北歸烟水一竿思舊隱兵戈十  
口出重圍杜陵豈少安危志老大飄零感布衣

其四

廬頂談經破碧苔十年不到首重回風清鐘鼓吳  
山出雲黑帆檣楚雨來痛飲長江看自注異書絕  
壁訪應開芒鞋歸去身差健白鹿諸生掃講臺

寄房師周芮公先生

并序

偉業以庚午受知於晉江周芮公師進謁  
潤州官舍維時上流無恙京口晏然吾師  
以陸生入雒之年弟子亦終軍棄繻之歲  
南徐月夜北固江聲揮塵論文登樓置酒  
笑譚甚適賓從皆賢已而入主銓衡地當  
清切周旋禁近提挈聲華拜別河梁十有  
八載滄桑兵火萬事都非偉業負耒躬畊  
誓終沒齒不謂推遷塵事潦倒浮生病苦  
窮愁羈縻煎迫師以同微獨得不至方推

梅村集十三

七言律詩  
八

周黨共羨管寧而家居窮海身受重圍羽  
檄時聞音塵莫及雖然江南近信已泊樓  
船京峴舊游皆非樂土何必無諸臺上始  
接烽烟歐冶城邊纔開壁壘也旣知援師  
南下山郡依然鄭樵居第可保圖書楊僕  
軍營惟聞笳吹欣故人之杖屨致遠道之  
郵筒爰作短章聊存微尚抒平生於慷慨  
寫盡日之羈愁庶幾同經喪亂識此襟情

雖隔山川無殊會面云爾

惆悵平生負所知尺書難到雁來遲  
枕椰月暗嚴城閉鷓鴣風高画角悲  
湖裏逢仙占昔夢洞中遇叟看殘  
碁脫身衰白干戈際笏屐尋山話  
後期

其二

北府風流坐嘯清蕭郎白恰愛將  
迎蒜山望斷江千月荔浦愁看海  
上城劉寄闕河雖險塞盧循樓

艦正縱橫莫嫌戰鼓鄉園意瓜步  
年來已用兵

晉江

黃東崖先生和予此詩中一聯曰徵書鄭重眠  
發損法曲淒涼涕淚橫知己之言讀之感歎

其三

梅村集十三 七言律詩 九

但若盤桓便見收 詔書趨迫敢淹留  
始知處士

青門里須傍仙人白石樓晉室衣冠  
依嶺嶠越王

刀劔閉林丘少微却炤南天遠榕樹  
峰高隱故侯

其四

白鶴青猿叫晚風苦將身世訴飄蓬  
千灘水惡盤渦險九曲雲迷絕磴空  
廣武登臨狂阮籍承明寂寞老揚雄  
巨源舊日稱知己誤玷名賢啓事中

卽事

夾城朝日漸臺風玉樹青葱起桂宮  
時乾清宮成 謁者

北衙新掌節初設內監郎官西府舊乘廳海選部郎爲巡方叔

孫禮在終應復蕭相功成固不同百戰可憐諸將

帥幾人高會未央中

其二

六龍初幸晾鸞臺千騎從官帳殿開南苑車聲穿

碧柳西山馳道夾青槐繙書夜半移燈召教射樓

頭走馬來聞道上林親試士卽今誰是長卿才

其三

元僚白髮領槐廳風度須看似九齡疏乞江湖陳

梅村集十三

七言律詩

老病 詔傳容貌寫丹青曹村相公乞休不允畫其像賜之從游

西苑花初放侍宴南臺酒半醒最是御書房下過

賜茶清燕共談經

其四

列卿嚴譴赴三韓貫酒悲歌行路難妻子幾隨關

外去都人爭擁路旁看樂浪有吏崔亭伯遼海無

家管幼安盡說日南多瘴癘如君絕域是流官

其五

黃河東注出潼關本濟漕渠竟北還淮水獨流空

到海

淮水爲黃河所逼始于海口濟漕河去則淮竟入海此清江關所以潤也沐堤橫

嚙不逢山天心豈爲投圭璧民力何堪棄草菅瓠

子未成淇竹盡龍門遠掛白雲間

金龍口決用柳梢作土牛塞河

功竟不就掉兩河民力之盡也

其六

西山盜賊尚縱橫白晝畿南桴鼓鳴誰道盡提龍  
武將翻教遠過關割城軍需苦給嫖姚騎節制難  
逢僕射營斥堠但嚴三輔靖願消兵甲罷長征

其七

梅村集十三

七言律詩

新傳使者出皇都十道飛車算國租故事已除將  
作監他年須尚執金吾主持朝論垂魚袋料理軍  
書下虎符始信蕭曹務休息太平良策未全無

其八

柳營江上羽書傳白馬三郎被酒眠無意漫提歐  
冶劍有心長放呂嘉船金錢北去綠求印鐵券南  
來再控茲廟算只今勤遠略伏波橫海已經年

其九

秋盡黃陵對落暉長沙西去不能歸甘寧舊壘潮

初落陶侃新營樹幾圍五嶺烽烟城郭改三湘征  
調吏人稀老臣裹革平生志往事傷心尚鐵衣

其十

巴山千丈壁雲根節使征西入劍門蜀相軍營猶

石壁漢高原廟自江村

駐兵南鄭分關閬州兩地皆有

高祖廟全家

故國空從難異姓真王獨拜恩回首十年成敗事

笛聲哀怨起黃昏

長安雜詠

三泉秋散鼎湖籠

世廟玄都闕御容絳節久銷

梅村集十三

七言律詩

金竈火青詞長護石壇松運移梅福身難去道向

麻姑使未逢重過竹宮聞夜祭徐無仙客話乾封

其二

石門秋聳妙高臺慈聖金輪寺榜開龍苑樹荒香

界壤鹿園花盡塔鈴哀燈傳初地中峰變經過流

沙萬里來代有異人爲教出鳩摩天付不凡材

其三

鼓角鳴鞞下建章平明獵火照咸陽黃山走馬開

新埒青海求鷹出大荒奉饗靈射生新宿衛帶刀行

炙舊名王侍臣獻賦思遺事指點先朝說豹房

其四

百戰關山馬架高耻將階級鬪蕭曹兩河子弟能  
談劍一矢入君王已賜袍此日大家親較武他時  
年少定分茅功成老將無人識看取征南帶血刀

哭蒼雪法師

憶昔穿雲到上方飛泉夾路筍輿忙孤峰半榻霜  
顛白清磬一聲山葉黃得道好窮詩正變觀心難  
造世興亡汰公塔在今同傳無着天親共影堂

楞村集十三

七言律詩  
十三

住華山與師為法侶晁  
相得滅度已十六載矣

其二

說法中峰語句真滄桑閱盡剝閒身宗風實處都  
成教慧業通來不礙塵白社老應空世相青山我  
自哭詩人縱教落得江南夢萬樹梅花孰比鄰

送友人出塞

上書有意不忘君竄逐還將諫草焚  
聖主起居當日慎小臣忠愛本風聞玉關信斷機中錦金谷  
園空画裏雲塞馬一聲親舊哭焉支少婦欲從軍

卽事

擊鼓迎神太乙壇  
越巫吐火舞珊珊  
露臺月上謁絲管  
禁苑霜凋挾彈丸  
赤驥似龍徠  
萬里白鷹如雪致  
三韓柏梁焚後  
宜春起只有西山作舊看

送同官出牧

露掌明河玉漏寒  
侍中出宰據征鞍  
一君王此日親除吏  
臣子何心道  
嶺官壯士驅山秋  
送戍豪家渭曲夜探丸  
扶風馮翊皆難治  
努力諸公奏最看

寄周子傲中州

梅村集十三

七言律詩十四

聞道周郎數酒悲  
中原極目更依誰  
雲遮二室關山在  
河奪三門風雨移  
銅狄紀年何代恨  
石經傳字幾人知  
狂歌落日登臨罷  
殘醉歸來信馬遲

懷古兼弔侯朝宗

河洛風烟萬里昏  
百年心事向夷門  
氣傾市俠收奇用  
策動宮娥報舊恩  
多見攝衣稱上客  
幾人刎頸送王孫  
死生總負侯羸諾  
欲滴椒漿淚滿樽

朝宗

歸德人貽書約終隱不出余爲世所逼有負夙諾故及之

送曹秋岳以少司農遷廣東左轄

江東才子漢平陽身歷三臺拜侍郎五管清秋悲  
使節百蠻風靜據胡床珠官作貢通滄海象郡休  
兵奉朔方早晚鄴侯能薦達鋒車好促舍人裝

其二

秋風匹馬尉佗城銅鼓西來正苦兵萬里虞翻空  
遠宦十年楊僕自專征山連島道天應盡日落蠻  
江浪未平此去好看宣室召漢皇前席問蒼生

其三

銅柱天南起暮笳蒼山不斷火雲遮羅浮客到花

梅村集十三

七言律詩  
十五

爲夢庾嶺書來雁是家五月蠻村供白越千年仙  
竇訪丹砂炎州百口堪同住莫遣閒愁感髟華

其四

懸瀑丹崖萬仞流越王臺上月輪秋江湖家在堪  
回首京國人多獨倚樓海外文章龍變化日南風  
俗鳥輟輒知君此地登臨罷追憶平生話少游

送楊循龍學士按察山西

碧山學士起嚴裝新把牙旌下太行玉塵開尊從

將吏銀毫判牒喜文章三關日落凝笳吹千騎風

流出射堂憶賜錦袍天上暖西游早拂雁門霜

其二

一天涼影散鳴珂落木平沙雁度河北地詩名三  
輔少西風客思五原多紫貂被酒雲中火鐵笛迎  
秋塞上歌回首禁城從獵處千山殘雪滿滹沱

送王藉茅學士按察浙江

始與門第故人稀才子傳家典北扉画省日移花  
更發御溝春過柳成圍江湖宦蹟飄蓬轉嵩少鄉  
心旅雁飛重到冷城開戟地豈堪還問舊烏衣

梅村集十三

七言律詩  
十六

其二

訟堂閒嘯聽流鶯十載東南憶避兵江左湖山多  
故吏王家書画豈虛名從容簿領詩還就料理烟  
霞政自成欲過會稽尋禊事斷碑春草曲池平

送當湖馬覲揚備兵岢嵐

絕塞驅車出定羌洗兵空磧散牛羊黃河盡處無  
征戰紫燕飛時敢望鄉獨客登臨傷廢壘前人心  
力困危疆君恩不遣邊臣苦高卧荒城對夕陽

送王孝源備兵山西

秋盡黃河氣欲收  
千山雪色照并州  
鷓盤落木崖壯馬  
蹴層冰斷澗流  
父老壺關迎節使  
將軍廣武耻封侯  
雍容賓佐資譚笑  
吹笛城南月夜樓

送同年江右朱遂初憲副固原

銜杯落日指雕鞍  
渭北燕南兩地看  
士馬河隍征戰罷  
弟兄關塞別離難  
荒祠黑水龍湫暗  
絕坂丹崖鳥道盤  
錯認故京還咫尺  
幾人遷客近長安

其二

清秋柳陌響朱輪  
帳下班聲到近臣  
萬里河源通

梅村集十三

七言律詩  
十七

大夏七盤山勢控  
新秦北庭將在黃  
驄老西海僧來白  
象馴最喜安邊真  
節使君恩深處少  
風塵

其三

白草原頭驛路微  
十年踪跡是耶非  
月明函谷朝雞遠  
木落蕭關塞馬肥  
便道江城鄉思急  
故人京洛諫書稀  
一官漂泊知何恨  
老大匡山未拂衣

其四

長將詩酒付奚囊  
此去征途被急裝  
首宿金鞍調白馬  
梅花鐵笛奏青羌  
涼州水草軍營盛  
漢代亭

臺獵火荒往事功名歸衛霍書生垂老玉門霜

七言律詩四

海村集十三

七言律詩

其四

長將詩酒付奚囊此去征途被急裝  
荷荷金鞍調臺獵火荒  
往事功名歸衛霍書生垂老玉門霜

梅村集卷第十四

七言律詩四

七夕感事

天上人間總玉京今年牛女倍分明  
畫圖紅粉深宮恨砧杵金闈瘴海情  
南國綠珠辭故主北邙黃鳥送傾城  
憑君試問雕陵鵲一種銀河風浪生

和楊鐵崖天寶遺事詩

漢主秋宵宴上林延年供奉漏沉沉  
給來妙服裁文錦賞就新聲賜餅金  
鳩鵲風微清笛迥蒲萄月落  
畫弦深明朝曼倩思言事日午君王駕未臨

梅村集十四

七言律詩

其二

複道笙歌幾處通博山香裊綺疏中  
檀槽豈出龜茲伎玉笛非關子闐工  
浩唱扇低槐市月緩聲衫動石頭風  
霓裳本是人間曲天上吹來便不同

送少司空傅夢禎還嵩山

高卧千峰鎖暮霞洛城春盡自飛花  
銅仙露冷宮門草玉女臺荒洞口沙  
被褐盧鴻仍拜詔賜金疏受早還家  
西巡擬上登封頌抱犢山莊候翠華

夜宿蒙陰

客行杖策魯城邊，訪俗春風百里天。  
蒙嶺出泉茶辨性，龜田加火穀占年。  
野蠶養就都成繭，村酒沽來不費錢。  
我亦山東狂李白，倦游好覓主家眠。

郟城曉發

匹馬孤城望眼愁，雞聲喔喔曉烟收。  
魯山將斷雲不斷，沂水欲流沙未流。  
野戍凄凉經喪亂，殘民零落困誅求。  
他鄉已過故鄉遠，屈指歸期二月頭。

聞台州警

梅村集十四

七言律詩

高灘響急峭帆收，橘柚人烟對鬱洲。  
天際燕飛黃石嶺，雲中大吠赤城樓。  
投戈將士逍遙卧，橫笛漁翁縹緲愁。  
聞說天台踰萬丈，可容長嘯碧峰頭。

其二

野哭山深叫杜鵑，聞風臺畔羽書傳。  
軍門絕磴松根火，士接飛流馬上泉。  
雁積稻梁池萬頃，猿知擊刺劍千年。  
桃花好種今誰種，從此人間少洞天。

其三

天門中斷接危梁，玉館金庭跡渺茫。  
石鼓響來開

峭壁干將飛去出滄浪仙家壘是何年築刺史丹  
無不死方亂後有人還采藥越王餘算禹餘糧

其四

三江木落海天西華頂風高聽鼓輦瀑布洗兵青  
嶂險石橋通馬白雲齊途窮鄭老身何竄春去劉  
郎路總迷最是孤城蕭瑟甚斷虹殘雨子規啼

贈遼左故人

詔書切責罷三千里驅車向大東曾募流移阱  
塞下豈遷豪傑實關中桑麻亭障行人斷松杏山

梅村集十四

七言律詩  
三

河戰骨空此去纍臣聞鬼哭可無杯酒酹西風

其二

短轅一哭暮雲低雪窖冰天路慘悽青史幾年朝  
玉馬白頭何日放金雞燕支塞遠春難到木槩山  
高鳥亂啼百口總行君莫歎免教少婦憶遼西

其三

潦倒南冠顧影慚殘生得失懺瞿曇君恩未許誇  
前席世路誰能脫左驂雁去雁來空塞北花開花  
落自江南可憐庾信多才思關隴鄉心已不堪

其四

浮生蹤跡總茫然兩拜中書再徙邊儘有溫湯堪  
療疾恰逢靈藥可延年垂來文鼠裝綿暖射得寒  
魚入饌鮮只少江南好春色孤山梅樹菴溪船

其五

路出西河望八城保宮老母淚縱橫重圍屢困孤  
身在垂死翻悲絕塞行盡室可憐逢將吏生兒真  
悔作公卿蕭蕭夜半玄菟月鶴唳歸來夢不成

其六

梅村集十四

七言律詩  
四

齊女門前萬里臺傷心砧杵北風哀一官悞汝高  
門累半子憐渠快婿才失母况經關塞別從夫只  
好夢魂來摩挲老眼千行淚望斷寒雲凍不開

春日小園卽席次白林九明府韻

小築疎籬占綠灣釣竿斜出草堂間柳因見日頻  
舒眼花爲迎風早破顏地是廉泉連讓水人如退  
谷遇香山新詩片石留題在採蕨烹葵數往還

題画

芍藥

花到春深爛熳紅香來士女踏歌中風知相謔吹  
芳蒂露恨將離泥粉叢漬酒穩教顏色異調羹誤  
許姓名同內家彩筆新成頌肯讓玄暉句自工

石榴

碧雲剪剪月鈎鈎狼藉珊瑚露未收絳樹憑闌看  
獨笑綠衣傳火照梳頭深房莫倚含苞固多子還  
憐齟齬羞種得萸蒲堪漬酒劉郎花底拜紅侯

洛陽花

綠窓昨夜長輕莎玉作欄杆錦覆窠丹纈好描秦

梅村集十四

七言律詩  
五

氏粉墨痕重點石家螺剪同翠羽來金谷織並紅  
羅出絳河千種洛陽名卉在不知須讓此花多

茉莉

剪雪栽冰莫浪猜玉人纖手摘將來新泉浸後香  
恒滿細縷穿成藥半開愛玩晚涼宜小立護持隔  
歲爲親栽一枝點染東風裏好與新粧報鏡臺

芙蓉

細雨橫塘白鷺拳竊紅婀娜向風前千絲衣薄荷  
同製三醉顏酡柳共眠水殿曉涼粧徙倚玉河春

淺共遷延涉江好把芳名認錯讀陳王賦一篇

菊花

夜深銀燭最分明翠葉金鈿認小名故着黃絕貪  
入道却翹紫袖擅傾城生來艷質何消瘦移近高  
人恰老成幾度看花花耐久可知花亦是多情

繭虎

南山五日鏡奩開綵索春葱縛鞅材奇物巧從蠶  
館製內家親見豹房來越巫辟惡鏤金勝漢將擒  
生画玉臺最是繭絲添虎翼難將續命訴牛哀

梅村集十四

七言律詩  
六

茄牛

擊鼓喧闐笑未休泥車瓦狗出同游生成豈比東  
鄰犢穀棘何來孺子牛老圃盤飧誇特殺太牢滋  
味入常羞看他諸葛貪游戲苦鬪兒曹巧運籌

鯨鶴

丁令歸來寄素書羽毛零落待何如雲霄豈有舖  
糟計飲啄寧關逐臭餘雪比撒鹽堆勁翮蟻旋封  
垤附專車秦皇跨鶴思仙去死骨何因葬鮑魚

蟬猴

仙蛻誰傳不死方最高枝處憶同行移將吸露迎  
風意做就輕軀細骨粧薄髣影如逢越女斷腸聲  
豈怨齊王內家近作通侯相賜出貂蟬傲粉郎

蘆筆

採箬編蒲課筆咍織簾居士擅書名掃來魯壁枯  
難用焚就秦灰煑不成飛白夜窓花入夢草玄秋  
閣雁銜橫中山本是盧郎宅錯認移封號管城

橘燈

掩映蘭膏葉底尋玉盤纖手出無心花開槐市枝

梅村集十四

七言律詩

枝火霜滿江潭樹樹金繡佛傳燈珠錯落洞仙爭  
奕漏深沉饒他丁緩施工巧不及生成在上林

桃核船

漢家水戰習昆明曼倩偷來下瀨橫三十漫成齊  
相計五湖好載越姝行桑田核種千年久河渚槎  
浮一葉輕從此武陵漁問渡胡麻飯裏棹歌聲

蓮蓬人

獨立平生重此翁反裘雙袖倚東風殘身顛倒憑  
誰戲亂服麤疎耻便工共結苦心諸子散早拈香

粉美人空莫嫌到老絲難斷總在污泥不染中

戲詠不倒翁

掉首浮生半紙輕一九封就任縱橫何妨失足貪  
游戲不耐安眠欠老成儘受推排偏屈強敢煩扶  
策自支撐却遭桃梗妍皮諛此內空空浪得名

海虞孫孝維三十贈言

法護僧彌並絕倫聽經蕭寺紫綸巾高齋點筆依  
紅樹画檝徵歌轉綠蘋一榻茶香專供佛五湖蝦  
菜待留賓丈夫早歲輕名宦鄧禹無爲苦笑人

梅村集十四 七言律詩

其二

招真臺下讀書莊總角知名已老蒼何氏三高推  
小隱荀家羣從重中郎鬪茶客話千山雨寄橋人  
歸百顆霜 太末理官孝若其兄也地產橋最佳 塵尾執來思豎義旻

公同飯贊公房

其三

始立何容減宦情法曹有弟尚諸生松窓映火茗  
芽熟貝葉研朱梵夾成金谷酒空消冶習曲江花  
落悟浮名 花落者爲扶桑志感也 年來耻學王懷祖初辟中

兵捧檄行

其四

高柳長風六月天青鞋白鞵尚湖邊輕舟掠過破

山寺橫笛邀來大石仙

孫氏之先遇仙于易目山之巨石

王儉拜

公猶昨歲張充學易在今年種松記取合圍後樹

下著書堪醉眠

贈錢臣辰

同年給諫公弟

杜家中弟擅閒身處士風流折角巾花萼一樓圖

史遍竹梧三徑管絃新東都賓客多同輩西息田

梅村集十四

七言律詩九

園有主人酒熟好從君取醉春令原上獨傷神

贈荊州守袁大韞玉

袁爲吳郡佳公子風流才調詞曲擅名遭亂北

都佐藩西楚尋以失職空囊僑寓白下扁舟歸里惆悵無家爲作此詩贈之

曉日珠簾半上鉤少年走馬過紅樓五陵烽火窮

途恨三峽雲山遠地愁盧女門前烏柏樹昭君村

畔木蘭舟相逢莫唱思歸引故國傷心恐淚流

其二

霓裳三疊遍天涯浪跡巴丘度歲華賴有狂名堪

作客誰知拙宦已無家西州士女章臺柳南國江

山玉樹花正遇秋風蕭索甚淒涼賀老撥琵琶

其三

詞客開元擅盛名蕭條鶴髮可憐生劉郎浦口潮  
初長伍相祠邊月正明擊筑悲歌燕市恨彈絲法  
曲楚江情袁西樓樂府中有楚江情一闕善才已死秋娘老溼盡  
青衫調不成

其四

湘山木落洞庭波杜宇聲聲喚奈何千騎油幢持  
虎節扁舟鐵笛換漁蓑使君灘急風濤阻神女臺

梅村集十四

七言律詩

荒雲雨多楚相歸來唯四壁故人優孟早高歌

送楊懷湄擢臨安令

聽松鈴閣放衙陰飛瀑穿階石室琴許椽仙居丹  
井在謝公游策碧雲深山農虎善樵微徑溪女蠶  
忙採遠林此地何王誇衣錦錦城人起故鄉心

令成

都人臨安乃錢  
鏐衣錦城也

登縹緲峰

絕頂江湖放眼明飄然如欲御風行最高尚有魚  
龍氣半嶺全無鳥雀聲芳草青蕪迷近遠夕陽金

碧變陰晴夫差霸業銷沉盡楓葉蘆花釣艇橫

過席允來山居

碧梧門巷亂山邊灑掃雖頻得自然石筍一林雲  
活活藥欄千品雨娟娟養花性爲先人好種樹經  
從伯氏傳社酒已濃茶已熟客來長繫五湖船

贈武林李笠翁

笠翁名漁能爲唐人小說兼以金元詞曲知名

家近西陵住薜蘿十郎才調歲蹉跎江湖笑傲誇  
齊贅雲雨荒唐憶楚城海外九州書志怪坐中三  
疊舞迴波前身合是玄真子一笠滄浪自放歌

梅村集十四

七言律詩十一

贈崑令王莘雲尊人杏翁

永平人

半載江南客未深玉山秋靜夜沉吟九邊田牧思  
班壹三輔交游識季心快馬柳城常命酒軟輿花  
縣暫聞琴白頭閒說西京事曾記循良久賜金

莘雲

有能名未半載以錢糧報罷

客譚雲間帥坐中事

五茸絲管妓堂秋奪得蛾眉付主謳豈是絕纓諸  
將會偶因行酒故人留青尊有恨攀他手白削無  
情笑者頭若遇季倫西市日可宜還墮綠珠樓

別維夏

惆悵書生萬事非，赭衣今抵舊烏衣。六朝門第鴉

啼遶，九月關河木葉飛。庾嶺故人猶未別，

維夏叔增城公

子燕山游子早應歸。正逢漉酒登高會，執手西風

歎落暉。

庚子八月訪同年吳永諤於錫山有感賦贈

廿載京華共酒尊，十人今有幾人存。

京師知己為真率會，今其人零落

已盡多愁我已嫌，身世高卧君還長。子孫士馬

孤城喧渡口，雲山老屋冷溪門。相逢萬事從頭問

梅村集十四

七言律詩十二

樺燭三條照淚痕

其二

杖藜何必遠行游，抱膝看雲鶴氅裘。天遣名山供

戶牖，老逢佳節占風流。干戈定後身還健，花月閒

時我欲愁。莫嘆勝情無勝具，亂峰深處着高樓。

永謝

有足疾

其三

黃花秋水五湖船，客鬢蕭蕭別幾年。老去妻孥多

下世窮，來官長有誰賢。酒杯驅使從無分，書卷消

磨絕可憐贖得當時舊松菊數間茅屋對晴川

其四

虛臺便闕信沉沉話及清郎淚不禁到處風波寧  
敢恨僅存兄弟獨何心南州師友江天笛北固知  
交午夜砧從此溪山避矧繖暮雲黃葉閉門深

送張玉甲憲長之官邛雅

秋水連天棹五湖勞勞亭畔客心孤飄蓬宦跡空  
迢遞浩劫山川尚有無石鏡開花惟自照那箇憶  
酒向誰沽蕭條大散關頭路匹馬西風入画圖

梅村集十四

七言律詩  
十三

其二

劍外新傳一道通十年羣盜漫稱雄橫刀割取青  
神渡烈火燒殘白帝宮豈有山川歸李特猶能車  
馬識文翁誰將牛斗龍泉氣移在天彭井絡中

從張

江南學使  
者遷是職

其三

岷峨悽愴百蠻秋路折邛崃九坂愁城裏白雲從  
地出馬前黑水向人流松番將在看高卧雪嶺僧  
歸話遠游欲問辟支諸佛土貝多羅樹卽關頭

雅州

關外卽  
鳥思藏

其四

錦官春色故依然料理蠶叢半壁天葛相祠堂尋  
有蹟譙玄門戶訪誰傳還家杜宇三更夢寄遠菖  
蒲十樣箋此去壯游何所恨思君長問楚江船

哭中書趙友沂兼柬其尊甫洞門都憲

長沙長子九江船御史臺西月正圓兩省親朋歡  
笑日一官詩酒亂離年朱樓有淚看楊柳白髮無  
家聽杜鵑太息賈生歸未得湘花湘草夕陽邊

梅村集一四

七言律詩  
十四

贈學易友人吳燕餘

風雨菰蘆宿火紅胥靡憔悴過墻東吞爻夢逐虞  
生放端策占成屈子窮縱絕三編身世外橫添一  
畫是非中道人莫訝姚平笑六十應稱未濟翁

其二

註就梁丘早十年石壕呼怒筆門前范升免後成  
何用甯越鞭來絕可憐人世催科逢此地吾生憂  
患在先天從今郟上田休種簾肆無家取百錢

壽繼起和尚

故山東望路微茫講樹秋風老着霜不羨紫衣誇  
妙相惟憑白足遍諸方隨雲舒卷身兼杖與月空  
明詩一囊台頂最高三萬丈道人心在赤城梁

惠山二泉亭爲無錫吳邑侯賦

九龍山半二泉亭水遁名標陸羽經寺外流觴何  
處訪公餘飛鳥偶來聽丹凝高閣空潭紫翠溼層  
巒萬樹青治行吳公今第一此泉應足勝中泠

梅村集十四

七言律詩  
十五

嶺萬樹青出於吳公今第一此泉應足勝中泠

巒萬樹青出於吳公今第一此泉應足勝中泠

嶺萬樹青出於吳公今第一此泉應足勝中泠

嶺萬樹青出於吳公今第一此泉應足勝中泠

嶺萬樹青出於吳公今第一此泉應足勝中泠

嶺萬樹青出於吳公今第一此泉應足勝中泠

嶺萬樹青出於吳公今第一此泉應足勝中泠

